



Broj protokola: 0201-1324/25

Sarajevo, 02.10.2025.godine

Na osnovu člana 29.stav 1.Uredbe sa zakonskom snagom o ustanovama (Sl.glasnik R BiH, broj 6/92,8/93 i 13/94) člana 66.Zakona o zdravstvenoj zaštiti ("Sl.novine FBiH "br: 46/10 i 75/13), člana 32. Statuta,Pravilnika o radu, unutrašnjoj organizaciji i sistematizaciji radnih mjesta Zavoda, Pravilnikom o uvjetima u pogledu vrste završenog fakulteta zdravstvenog usmjerenja koje moraju ispunjavati osobe koje konkurišu za direktora zdravstvene ustanove ("Sl.novine FBiH", br:77/17, 61/21) i Odluke Upravnog odbora Zavoda broj: 0201-1323/25 od 30.09.2025.godine, Upravni odbor JU Zavod za bolesti ovisnosti KS objavljuje

**JAVNI OGLAS
ZA IZBOR I IMENOVANJE DIREKTORA
JAVNE USTANOVE ZAVOD ZA BOLESTI OVISNOSTI KANTONA SARAJEVO**

I./ NAZIV POZICIJE

- direktor JU Zavod za bolesti ovisnosti Kantona Sarajevo

II./OPIS POZICIJE

- Predstavlja i zastupa Zavod u zemlji i inostranstvu;
- Ima sva ovlaštenja u pravnom prometu u okviru djelatnosti Zavoda upisane u sudski registar, uz ograničenja utvrđena ovim Statutom;
- Raspolaze finansijskim sredstvima utvrđenim Finansijskim planom Zavoda usvojen od strane Upravnog odbora na koji saglasnost daje osnivač;
- U skladu sa Finansijskim planom Zavoda i Planom nabavki Zavoda samostalno zaključuje pojedinačne ugovore za nabavku roba i usluga čija je vrijednost procijenjena do iznosa 50.000,00 KM, a za nabavku radova čija je vrijednost procijenjena do iznosa 80.000,00 KM;
- Za zaključivanje pojedinačnih ugovora čija je vrijednost procijenjena na iznose preko 50.000,00 KM za nabavku roba i usluga, odnosno preko 80.000,00 KM za nabavku radova, Direktor Zavoda je potrebna prethodna saglasnost Upravnog odbora Zavoda;
- Finansijska sredstva koja se odnose na plaće radnika i drugih prava radnika iz radnog odnosa koji nemaju karakter plaća, Direktor Zavoda odlučuje u skladu sa Finansijskim planom Zavoda, Pravilnikom o radu Zavoda i drugim općim aktima kojima su regulisana prava iz radnog odnosa;
- Finansijska sredstva koja se odnose na isplate po osnovu edukacija, stručnih usavršavanja, službenih putovanja, pomoći, donacija, pozajmica i drugih vidova finansijskih izdataka, Direktor Zavoda može samostalno odlučivati za svaki pojedinačni vid izdataka, u iznosu do 5.000,00 KM, a

za iznose preko 5.000,00 KM potrebna mu je prethodna saglasnost Upravnog odbora Zavoda, a u skladu sa Finansijskim planom Zavoda, Pravilnikom o radu Zavoda i drugim općim aktima kojima je regulisano naprijed navedeno;

- Preduzima pravne i druge radnje, zastupa Zavod pred sudovima i drugim organima u okviru prava i odgovornosti koje proizilaze iz djelatnosti Zavoda;
- Može dio svojih ovlaštenja prenijeti na drugo lice;
- Odgovoran je za zakonitost rada Zavoda;
- Odlučuje o pravima, obavezama i odgovornostima radnika (zasnivanje radnog odnosa i prestanak, disciplinska i materijalna odgovornost);
- Predlaže UO Zavoda mjere za efikasno i zakonito obavljanje djelatnosti, unutrašnju organizaciju i sistematizaciju radnih mjesta i osnovne planove rada i razvoja;
- Donosi opšte akte koji nisu u nadležnosti UO;
- Učestvuje u radu UO bez prava odlučivanja;
- Podnosi izvještaj UO Zavoda o radu za proteklu godinu, plan rada za tekuću godinu i izvještaj o finansijskom poslovanju Zavoda;
- Direktor je naredbodavac za izvršenje finansijskog plana;
- Samostalno donosi odluke, naredbe, rješenja i uputstva i drugo;
- Aktivno učestvuje i nadzire provedbu sistema poboljšanja kvaliteta i sigurnosti zdravstvene zaštite ovisnika o psihoaktivnim supstancama u skladu sa Politikom kvaliteta i sigurnosti zdravstvene zaštite u Federaciji BiH i akreditacijskim standardima za bolnice (AKAZ);
- Učestvuje u radu Stručnog kolegija, a prema mogućnostima i stručnim manifestacijama u zemlji i inostranstvu;
- Koordinira rad Stručnog Vijeća Ustanove;
- Provodi politiku edukacije i stručnog usavršavanja kadrova;
- Brine o naučno istraživačkoj i promotivnoj djelatnosti Zavoda;
- Upozorava organe Zavoda i radnike na nezakonitost ukoliko je uoči;
- Imenuje komisije Zavoda;
- Obavlja i druge poslove u skladu sa Zakonom i opštim aktima Zavoda;
- Za svoj rad odgovoran je Upravnom odboru Zavoda;

III./ MANDAT

Mandat direktora traje 4 (četiri) godine.

Po isteku mandata isto lice može na osnovu javnog oglasa ponovo biti imenovano za direktora JU Zavod za bolesti ovisnosti KS, ali za najviše još jedan mandatni period.

IV./ KANDIDATI TREBAJU DA ISPUNJAVAJU OPĆE UVJETE:

1. Da je stariji od 18 godina
2. Da je državljanin Bosne i Hercegovine
3. Da nije otpušten iz državne službe kao rezultat disciplinske mjere na bilo kojem nivou u BiH u period od 3/tri/ godine prije dana objavljivanja upražnjenje pozicije
4. Da se na kandidata ne odnosi član IX.stav 1.Ustava BiH odnosno da nije pod optužbom Međunarodnog suda za ratne zločine

5. Da nije osuđivan za krivično djelo ili privredni prijestup nespojivo sa dužnošću u Zavodu
6. Da kandidatu nije izrečena zaštitna mjera vršenja poziva, djelatnosti ili dužnosti, niti se vodi prekršajni postupak zbog prekršaja za koji se može izreći takva mjera
7. Da nije u sukobu interesa u odnosu na odredbe Zakona o prevenciji i suzbijanju korupcije u Kantonu Sarajevo (Sl.novine Kantona Sarajevo, br:35/22,44/22 i 55/22)

V./ PORED OPŠTIH USLOVA KANDIDAT TREBA DA ISPUNJAVA I POSEBNE UVJETE:

1. Završen Medicinski fakultet-VSS
2. Specijalizacija iz neuropsihijatrije/psihijatrije
3. Da ima najmanje 5 /pet/ godine radnog staža kao specijalista neuropsihijatar/psihijatar
4. Da posjeduje znanje o zdravstvenom menadžmentu koji dokazuje certifikatom o obavljenoj edukaciji iz zdravstvenog menadžmenta, i to sva tri nivoa edukacije u skladu sa propisima o kontinuiranoj profesionalnoj edukaciji iz zdravstvenog menadžmenta, odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta
5. Da sačini Program rada i razvoja Zavoda u stručnom i ekonomsko-finansijskom smislu za mandatni period 2025-2029
6. Da ima provjerene rezultate u pogledu stručnih, organizacionih i drugih radnih sposobnosti.

VI./ POTREBNA DOKUMENTACIJA

Uz prijavu na oglas, kandidati su dužni dostaviti slijedeće dokumente:

- Kraća biografija/CV
- Izvod iz matične knjige rođenih
- Uvjerenje o državljanstvu ne starije od 6 mjeseci
- Ovjerene izjave kod nadležnog organa o činjenicama nabrojanim u tačkama 3.,4.,i 7. općih uvjeta
- Uvjerenje o nekažnjavanju (akt izdat od strane nadležnog organa unutrašnjih poslova)
- Uvjerenje da se protiv kandidata ne vodi prekršajni postupak (akt izdat od strane nadležnog suda)
- Diploma o završenom Medicinskom fakultetu
- Uvjerenje o položenom specijalističkom ispitu iz djelatnosti Zavoda
- Potvrda o radnom iskustvu od najmanje 5 (pet) godina u struci
- Dokaz o posjedovanju znanja iz zdravstvenog menadžmenta: certifikat o obavljenoj edukaciji iz zdravstvenog menadžmenta i to sva tri nivoa edukacije u skladu sa propisima o kontinuiranoj profesionalnoj edukaciji iz zdravstvenog menadžmenta odnosno uvjerenje
- Program rada i razvoja Zavoda u stručnom i ekonomsko finansijskom smislu za mandatni period 2025-2029
- Potvrda o stručnim, organizacionim i drugim radnim sposobnostima (akt izdat od Stručnog tijela)

Sva tražena dokumentacija dostavlja se u originalu ili ovjerena fotokopija ne starija od 6/šest/mjeseci.

VII./ PODNOŠENJE PRIJAVA I OBJAVLJIVANJE JAVNOG OGLASA

Prijavu sa dokazima o ispunjavanju navedenih uslova potrebno je dostaviti u roku od 15 (petnaest) dana od dana posljednjeg javnog objavljivanja oglasa. Oglas će biti objavljen u “Službenim novinama FBiH”, dnevnom listu “Oslobođenje” i na web stranici Zavoda.

Prijavu uz biografiju i tražene dokumente dostaviti lično ili poštom, na adresu JU Zavod za bolesti ovisnosti Kantona Sarajevo, Nahorevska broj 173, 71000 Sarajevo sa naznakom “**Komisija za izbor i imenovanje direktora-ne otvarati**”.

Neblagovremene i nepotpune prijave neće se uzeti u razmatranje.

Nakon završene procedure izbora i imenovanja direktora Zavoda, prijave se neće vraćati kandidatima koji su aplicirali na javni oglas.

VIII./ OSTALE NAPOMENE

Svi kandidati koji budu stavljeni na listu sa užim izborom biće pozvani na intervju koji će obaviti Upravni odbor Zavoda.

Po okončanju postupka, konačno imenovanje direktora Zavoda obavlja Upravni odbor Zavoda uz prethodnu saglasnost ministra zdravstva.

O Odluci o imenovanju direktora svi učesnici u Javnom oglasu obavještavaju se najkasnije u roku od 8 (osam) dana od dana donošenja Odluke o imenovanju direktora Zavoda.

Svaki učesnik u javnom oglasu, u roku od 8 (osam) dana od dana prijema obavještenja može protiv Odluke o imenovanju direktora podnijeti tužbu za pokretanje postupka pred nadležnim sudom.

**Predsjednik Upravnog odbora
Ajla Julardžija, dipl.pravnik**